

**PI MURIRI C'E' SEMPRI TIMPU**  
**COMMEDIA IN 2 ATTI DI**  
**MARIA LORENZA CARUSO (LAURA)**

**POSIZIONE SIAE: 226342**

**CODICE OPERA SIAE: N. 941599A**

**E- MAIL:** lauracaruso75@libero.it

**TEL:** 329/3867887

**SINOSI:**

Un'anziana signora lascia la vita terrena. Non molto d'accordo sul fatto che sia giunta la sua ora, cerca di convincere Dio a farla ritornare sulla Terra. La morte infatti, arrivata in anticipo e all'improvviso, non le ha dato il tempo di godere di alcuni momenti belli che sarebbero accaduti da lì a poco. Durante la sua avventura, incontrerà una serie di anime, che la guideranno inconsapevolmente con consigli o rivelazioni. Mena riuscirà a convincere Dio? Commedia molto divertente, con note commoventi che invitano a riflettere sul senso della vita e della morte.

**GENERE: COMICO**

**NUMERO ATTI: 2**

**PERSONAGGI: 3 F e 10 M + (VOCE E 3 ANIME)**

MENA

GERLANDO (anima 1)

GIOVANNI (marito di Mena)

CARMELO (vicino di casa di Mena e Giovanni)

SERGIO (nipote di Mena)

MARCELLA (nipote del prete)

PADRE GAETANO

ANGELO DELLA MORTE

SAN PIETRO

DIO

CATERINA (anima 2)

DOTTOR BONSANTO (anima 3)

AVVOCATO (anima 4)

VOCE E 3 ANIME (possono essere interpretate da attori precedenti o da uno stesso attore)

## 1° ATTO

Scenografia: sacrestia di una chiesa. Da una porta si accede alla chiesa e da un'altra al bagno. E' in scena Mena.

MENA: E chi cci fazzu nna sacristia? Ma chi fa mi staiu sunnannu?

ANIMA 1: *(sbuca all'improvviso)* Nun c'entranu nenti li sunnira!

MENA: *(sobbalza)* Ma chi è pazzu è? Ma all'età sua si mitti a iucari a mucciaredda?!

ANIMA 1: Ma cu è ca sta iucannu a mucciaredda?

MENA: Chi si spunta accussì, senza dari preavvisu?

ANIMA 1: Cumu facia a daricci preavvisu nni st'eternu sunnu.

MENA: Ah, allura haiu arragiuni, staiu sunnannu. Mappa addummisciri 'ncapu u divanu. Ora però arrivà l'ura di m'aggivigliari.

ANIMA 1: Purtroppo nun è possibili aggivigliarisi di st'eternu sunnu.

MENA: Mi mancava l'allitratu di sunnira! Mi scusassi puzzu sapiri cu quali dirittu s'intromisi nnu ma sunnu?

ANIMA 1: Cu u dirittu di...

MENA: Di chi? Avanti s' allibirtassi ca nun haiu timpu di perdiri, ca haiu chi fari...

ANIMA 1: Ormai ci finiru i chi fari.

MENA: Si facissi l'affari sua e niscissi subitu di stu sunnu accussì ia mi puzzu aggivigliari.

ANIMA 1: Nun puzzu.

MENA: Nun po'?

ANIMA 1: No...nun haiu sti poteri.

MENA: Mai na vota unu cu i poteri di Superman nni li ma sunnira eh? Cumu sempri mi l'haia sbrugliari sula. *(prova ad aprire la porta ma non riesce)*

ANIMA 1: Nun po' nesciri.

MENA: Certu sugnu 'ntre un sunnu. Ia però, vugliu turnari unni era, bedda stinnilicchiata nnu divanu dintra nni mia.

ANIMA 1: Chidda nun è cchiù casa sua.

MENA: Cci consigliu di cangiari sunnu e di si fari a sa strata.

ANIMA 1: Macari! Sulu ca nun sacciu quali strata pigliari.

MENA: Bah, e pirchè?

ANIMA 1: Pirchè nni stu momentu, nun sugnu né di cca e mancu di ddà!

MENA: Ia a viu di cca e vulissi tantu sapiri pirchè.

ANIMA 1: Siddu mi truvu cca vol diri ca sta strata l'amma fari 'nzemmula.

MENA: 'Nzemmula nantri du?

ANIMA 1: Allora chi facimmu? Lei canusci qual è a strata di pigliari?

MENA: Ia? Mi scangià pu sa navigaturi Tommi Tommi? Sa circassi sulu a strata c'ava fari, pirchè ia nun sugnu a pirsuna adatta... p'aiutalla.

ANIMA 1: E 'mmeci è propria a pirsuna giusta...sugnu sicuru.

MENA: Videmma ia sugnu sicura ca siddu nun abbannuna subito stu sunnu, cci la truvu ia a strata di pigliari.

ANIMA 1: Oh, finalmenti e quali?

MENA: Chidda ca u porta drittu drittu o manicomiu! U voli capiri ca m'aggivigliari? Ma maritu m'aspetta.

ANIMA 1: L'aspittava! Finché morte nun vi separi...

MENA: (*interrompendolo*) Bravu! Siccumu ma maritu è ancora vivu, quannu pua mori si nni parla, va bbeni? Mi fazzu viva ia. Mi lassassi lu nummaru di telefonu, ca pua a chiamu.

ANIMA 1: Ma nun putimmu aspittari ancora.

MENA: Ma cu tutti li sunnira di stu munnu, propria nni chiddu mia avia a viniri?

ANIMA 1: Sì.

MENA: E decidì sulu di viniri a disturbari stu ma sunnu, o coccunu ci lu mannà?

ANIMA 1: Decidì u destinù.

MENA: U destinù s'addiverti sempri a iucari brutti scherzi! Almenu puzzu sapiri cu è?

ANIMA 1: (*le porge la mano e poeticamente*) Sugnu Girlannu, n'anima in cerca da strata c'amma fari 'nzemmula finù a quannu nun arrivammu nnu pustu giustu signatu nnu nostru destinù.

MENA: Arrivà u filosofu! E ia avissi a cummattiri cu lei fina a quannu nun truvammu u pustu giustu? Ma lei nun si senti bbunu?!

ANIMA 1: E pi forza.

MENA: (*si dà pizzicotti e schiaffi*) Ma quann'è ca finisci st'incubu, quann'è ca m'aggivigliu? Ma si voli livari di mizzu!

ANIMA 1: Nun puzzu. Amma camminari 'nzemmula, cci ripitu ca è u nostru destinù.

MENA: E c'abbatti a coppa cu stu destinù! Ia staiu cca a latu, perciò putimmu fari 'nzemmula sulu dieci metri.

ANIMA 1: Stava cca a latu. Ora ava canciari strata.

MENA: E sintimmu, unni avissimu a ghiri?

ANIMA 1: 'N Paradisu spiru.

MENA: Unni?

ANIMA 1: In Paradisu!

MENA: (*rivolgendosi ad un'immagine di Gesù*) Unu cchiù serenu di mi mannari nni stu sunnu no, eh? (*tra sé*) Vabbé migliu ca l'assicunnu.

ANIMA 1: U capì?

MENA: (*ironica*) Certu, certu, mi l'avìa scurdatu ca c'avìa datu appuntamentu.

ANIMA 1: Ma quali appuntamentu?

MENA: Airi sira, ci telefonavu, su ricorda? E nni dittimmu appuntamentu cca, in sacristia, pi nni iri 'nzemmula in Paradisu.

ANIMA 1: Lei si sonna...

MENA: Mi n'avia addunatu. Ma appena truvu u modu, cci lu giuru ca lu fazzu spiriri!

ANIMA 1: Ma veramenti cridi ca si sta sunnannu tutti cosi? Allora nun ha caputu nenti?

MENA: (*irata*) Nun ci sta bbeni siddu ci dicu can nun la canusciu e nun ci sta bbeni mancu siddu cci dicu ca decidimmu 'nzemmula...

ANIMA 1: Ma lei chi pensa d'aviri davanti un pazzu?

MENA: Pirchè lei chi si cridi serenu?

ANIMA 1: Su voli mittiri 'ntesta ca sugnu u sa cumpagnu di viaggiu?

MENA: E lei su voli mittiri 'ntesta ca ia nun haiu nessun viaggiu di fari?

ANIMA 1: Lei è già in viaggiu da... (*guarda l'orologio al polso*) 12 uri.

MENA: 12 uri?

ANIMA 1: Sì esattamenti. Murimmu 12 uri fa.

MENA: Ma cu è ca murì?

ANIMA 1: Ia e lei!

MENA: (*scocciata*) Ma morta a cu?! Ma chi scherzu è chistu?

ANIMA 1: Stu scherzu nun ci lu fici ia.

MENA: E cu?

ANIMA 1: Dia, dall'Aldilà.

MENA: Ora basta! Sciò, sciò! Si nni issi. (*continua a darsi pizzicotti per svegliarsi*)

ANIMA 1: Nun mi cridi veru?

MENA: Certu ca no. Lu sacciu c'avia a muriri, ma no ora.

ANIMA 1: E allora cumu mai nun arriniscì a grapiri a porta?

MENA: Sicuramenti, Patri Taninu, prima di nesciri, l'appa firmari pi sbagliu. Ormai è vicchiu e stunatu. (*si accorge che sul tavolo ci sono le chiavi le prende in mano*) No, li chiavi sunnu cca.

ANIMA 1: U sta vidinnu?

MENA: Allora a porta s'appa rumpiri, sempri difittusa a statu. Ci lu diciva a Patri Taninu di falla aggiustari. Ora sunu a campanella, accusi iddu capisci ca cca dintra c'è coccunu e nni veni a grapi.

ANIMA 1: E sunassi.

MENA: Amuni, accusi a finisci e mi lascia in paci. *(suona il campanellino che si trova sul tavolo, riprova più volte ma, nessuno viene ad aprire)*. E' surdu.

ANIMA 1: Nun è surdu.

MENA: U voli sapiri migliu di mia? *(urlando)* Patri Taninu, sa grapi a porta ca mi 'nchiu' cca dintra, sa grapi sugnu Mena.

ANIMA 1: E' inutili ca grida nun la po' sentiri, è morta!

MENA: Lei fa perdiri a pacinzia puri a li santi! Cumu fa di cognomi?

ANIMA 1: Pirchi u voli sapiri?

MENA: Accusi appena m'aggivigliu la vighu a circu e a cunzu pi festi!

ANIMA 1: Ma ia ormai sugnu murtu e videmma lei.

MENA: *(per convincerlo risuona insistentemente il campanello)* U sta sintinnu ca sona, *(rassicurata)* si senti eh! Perciò sugnu viva.

ANIMA 1: U senti pirchi avi picca ca murimmu e ancora nun simmu né di cca e mancu di ddà, ci dissi.

MENA: *(comincia a capire)* Nun sta babbianu?

ANIMA 1: Purtroppo no.

MENA: *(piange)* Ma prima era viva? Ma cumu è possibili?

ANIMA 1: E addumanna a mia? Videmma ia u vulissi sapiri.

MENA: E pua pirchi simmu in sacristia?

ANIMA 1: Boh!

MENA: *(sconvolta)* Ma ia nun puzzu muriri ora, haiu ancora tanti cosi di fari... Haia finiri i scarpi di notti...

ANIMA 1: Quali scarpi?

MENA: I scarpi di lana, pa notti.

ANIMA 1: Perciò, ci staiu dicinnu ca è morta e lei pensa a i scarpi di lana?

MENA: Certu, cci l'avìa prumittutu a ma figlia, chiffà babbia? Finivu sulu mezza latata? Concorda cu mia can nun si po' usari sulu mità scarpa? Nun ci pinsu propria a muriri ora.

ANIMA 1: U voli capiri ca lu nostru problema ora nun sunnu li scarpi di lana? Avimmu antri problemi cchiù gravi, amma truvati a strata giusta.

MENA: (*disperata guarda l'immagine di Gesù*) Ma Signuruzzu, chi ti pari giustu farimi muriri nni sti iorna?

ANIMA 1: Pirchè chi c'è un iurnu adattu pi muriri?

MENA: Pi muriri c'è sempri timpu...mentri l'impegni nun si punnu lassari 'n'arriri! E ia impegni n'haiu ancora assà. Ia e ma maritu stavamu aspittannu a ma figlia.

ANIMA 1: E ormai!

MENA: Ma ormai chi cosa?! Tra tri iorna na ma niputi si laurea e l'antra si marita.

ANIMA 1: Nnu stessu iurnu?

MENA: Sì, nnu stessu iurnu, pirchè crisciru cumu du suru. E' tuttu organizzatu. E pua, ora ca cci pinsu, nni lu sunnu succidiva doppu.

ANIMA 1: Arriri accumincià cu stu sunnu?

MENA: No, chi c'entra. Qualchi misi fa mi sunnavu sta morti.

ANIMA 1: Veramenti?

MENA: Sì, ma ia era serena pirchè succidiva doppu lu matrimuniu e la laurea.

ANIMA 1: Allora, mi canusciva già. C'era videmma ia nnu sa sunnu?

MENA: No, nni ddu sunnu nun cci n'eranu rumpiscatuli. U fattu ca lei nun c'era conferma ca ci fu sbagliu.

ANIMA 1: Ma era sulu un sunnu.

MENA: Li ma sunnira nun sbaglianu mai! Coccun antru sbaglià.

ANIMA 1: Anchi si fussi ormai simmu caput. (*fa segno con le dita*)

MENA: Ma caput a cu? A mia nun mi sta bbeni sta morti. Quantu dissi ca avi ca murimmu?

ANIMA 1: (*guarda l'orologio al polso*) Avi 12 uri e mezza.

MENA: Ah, menumali, avimmu ancora timpu.

ANIMA 1: Timpu?

MENA: Pi comminciri Dia. Lu Signuri nun risuscità doppu tri ghiorna?

ANIMA 1: Sì.

MENA: E allura, vidi ca duna arraggiuni a mia. 3 iorna menu 12 uri e mezza, n'arrestanu ancora circa du iorna e mizzu pi fari a richiesta.

ANIMA 1: Quali richiesta?

MENA: A richiesta di putiri risuscitari propriu cumu lu Signuri. Du ristu la liggi nun è uguali pi tutti? Nun pinsu ca propria Dia fa particolarità? Vinissi cu mia.

ANIMA 1: (*si allontana*) Ma lei sta babbianu. Unni, mi voli purtari?

MENA: M'aiutassi a grapiri sta porta. (*mentre si incamminano per poter uscire entra Giovanni il marito*)

GIOVANNI: (*cerca il prete*) Patri Taninu, cca è?

MENA: Bedda Matri, ma maritu. Ammucciammuni cusà si scanta. (*lo spinge sotto al tavolo per nascondersi*)

ANIMA 1: Ma chi fa?

MENA: E chi fazzu, m'ammucciu.

ANIMA 1: Ma stassi tranquilla can nun la po' vidiri. Simmu caput!

MENA: Simmu sicuri can nun mi po' vidiri?

ANIMA 1: Né vidiri e mancu sentiri.

MENA: (*si dirige verso il marito*) Siddu l'antru iurnu m'avissitu accumpagnatu a Mussumeli pi m'accattari dda vistina chi mi piaciva, ora mi la putivatu mittiri pu funerali. Tirchiusu! (*gli dà un pizzicotto*)

GIOVANNI: Ahi! Disgraziati. Ancora vivi sunnu sti zanzari a sti tempi?

MENA: Ma chi fa sintì u pizzicottu?

ANIMA 1: Ma chi sintì? Sicuramenti fu na zanzara cumu dissi iddu. Cumu fa a sentila siddu è caput!

GIOVANNI: *(si siede in attesa del prete)* E spirammu ca Patri Taninu s'arricampa subitu.

ANIMA 1: U vitti can un capì nenti?

MENA: *(dà un altro pizzicotto al marito)*

GIOVANNI: Ahi! Ma chi sunnu zanzari tigri, sunnu? Parinu addivati! Chi duluri.

MENA: *(rivolta all'anima 1)* Dici can un mi putiva sentiri? Ma mancu di un murtu ci si po' fidari cchiù!

ANIMA 1: Ma cumu è possibili siddu simmu caput?

MENA: E ia chi nni sacciu? E 'a prima vota chi muru.

GIOVANNI: *(piange)* Mena, Mena pirchè ti nni isti accussì? Nni stu momentu parica sini cca.

MENA: *(gli si avvicina)* Veramenti mi percipisci?

GIOVANNI: *(riceve una telefonata)* Prontu, Michilina. Ah, sini cu Mariuzza. Sì, lu capisciu, lu sacciu ca nun aviti voglia, lu sacciu. Ma no, nun è giustu rimandari a laurea e lu matrimuniu. Ormai sunnu tutti cosi organizzati. Sugnu sicuru ca anchi a nonna dall'aldilà...

MENA: Sugnu ancora aldiquà! *(piange)*

GIOVANNI: A pensa cumu a mia. Nun chianciri cara niputi, nun chianciri. Ciao. *(stacca la telefonata)* Mena, Mena...Ma ccu ccu staiu parlannu? Mena murì.

MENA: Sugnu viva.

ANIMA 1: Nun l'ha caputu ca è caput!

MENA: *(all'anima)* Chiffà la finisci d'infieriri. Nun lu vidi ca a ma famiglia sta suffrinnu? Giustamenti, ddi picciutteddi cu quali anima punnu festeggiari?! Ma cci pari giustu ca murivu propria ora?

ANIMA 1 Nun è giustu, ma chi ci putimmu fari?

MENA: Lu Patri Eternu n'avissi avvisari. Almenu na cristiana si pripara, pripara li familiari... *(fa una carezza al marito che ancora piange. Poi all'anima)* Amuninni a circari a Patri Taninu.

ANIMA 1: Ma cumu facimmu a parlari cu Patri Taninu, siddu simmu murti?

MENA: Nun si preoccupassi ca Patri Taninu cu li murti è accussì. *(batte gli indici delle mani, uno contro l'altro)* Li murti cca sunnu di casa.

ANIMA 1: Ma simmu sicuri di chiddu chi facimmu?

MENA: Siddu nun voli viniri, s'accuminciassi a circari a strata pu Campu Santu.

ANIMA 1: E pi unni si va?

MENA: E chi nni sacciu ia? Sa circassi 'ncapu u navigatori!

ANIMA 1: M'aspittassi. *(mentre si dirigono verso la porta per andare in chiesa entra Carmelo in sacrestia)*

MENA: Un momentu...

CARMELO: Giovanni, avi mezz'ura ca st'aspittu fori.

GIOVANNI: E ma Patri Taninu nun s'arricampatu. C'è di mittiri a puntu tutti cosi pi lu funerali di dumani. *(piange)*

MENA: Dumani? Mancu timpu di risuscitari mi duna!

CARMELO: Sicuramenti Patri Taninu appi n'imprevistu, vinimmu cchiù tardu.

MENA: Sempri chi firria è stu parrinu, chi fa nun lu capisci ca n'arristaru sulu 2 iorna e mizzu?

CARMELO: Susiti, amuninni dintra nni mia.

MENA: Menumali ca Giovanni po' cuntari 'ngapu l'amici c'avimmu, nni stu momentu accussì tragicu.

ANIMA 1: Siti fortunati, ia nun haiu a nuddu.

MENA: A nuddu? Mancu un parenti?

ANIMA 1: No, tutti murti.

MENA: Puri i sa figli?!

ANIMA 1: Nun appi figli. Murivu sulu cumu un disgraziatu in cerca di n'anima pia.

MENA: E propria a mia avia a 'ngagliari?

GIOVANNI: (*a Carmelo*) Lu sa, stamatina, quannu finalmente arriniscivu a chiuriri l'ucchi, mi vinni in sunnu Mena.

MENA: Ia?!

ANIMA 1: Ma chi fici niscì e mi lassà cca cumu un salami?

MENA: Macari?!

CARMELO: E' normali ca unu si sonna i propri cari ca muriru.

GIOVANNI: No, no, ti giuru ca era idda, in carni e ossa...

MENA: In carni e ossa? (*a Gerlando*) Allora, sugnu viva? (*si tocca per vedere se è vero*).

ANIMA 1: Ma quali viva, ca è caput!

GIOVANNI: E secunnu mia mi vuliva diri cocchicosa d'importanti, pirchè Mena nnu sunnu, mi vuliva fari scriviri un pizzinu.

CARMELO: Un pizzinu?

GIOVANNI: Sì, un pizzinu pi Patri Taninu.

CARMELO: U vidi c'haiu arragiuni? Siccumu oi aviatu a viniri cca, pi parlari cu Patri Taninu di lu funerali, allora ti facisti stu sunnu.

GIOVANNI: Mena m'implorava di scriviri a Patri Taninu ca era viva e ca aspittava un miraculu.

ANIMA 1: (*a Mena*) Allora cci ini veramenti?

MENA: (*all'anima*) Ma siddu sugnu rinchiusa cca ccu lei!

CARMELO: E certu, tu vulissitu ca fussi ancora viva. Ora amuninni, vini dintra cu mia ca ma muglieri pripravà na bedda pasta 'ncaciata. Cocchi cosa a mangiari, no?

MENA: Ma chi fa Carmelu? Siddu ci dici accussì chiddu nun veni ca è a dieta avi u colistirolu antu.

GIOVANNI: A pasta 'ncaciata? Allora nun puzzu propria rifiutari. (*escono*)

MENA: Lampu allampallu, a ura di manciari nun talia a nuddu nna facci, mancu a la muglieri morta! (*all'anima 1*) Amuninni.

ANIMA 1: Amunì.

SERGIO: (*entra*)

MENA: No, un momentu...

ANIMA 1: E ora chist'antru cu è?

MENA: Ma niputi.

SERGIO: Ma unni è ma nannu? M'aspittava cca pi parlari cu Patri Taninu. Ma cca nun c'è nuddu, mancu li spirdi.

ANIMA 1: 'Mmeci nantri cci simmu!

MARCELLA: (*entra*) Sergiu, chi cci fa cca?

SERGIO: Marcella! Aviva appuntamentu cca cu ma nannu ma nun c'è. Tu l'ancuntrasti pi casu?

MARCELLA: No, veramenti arrivavu ora ora.

SERGIO: (*si siede*) Ma unni si nni i? C'è d'organizzari lu funerali.

MARCELLA: Sicuramenti to nannu pinsà già a tutti cosi.

MENA: (*scocciata*) Cci sta attaccata cumu na cozza, cci sta!

ANIMA 1: Ma chiffà è gilusa di sa niputi?

MENA: Ma chi c'entra a gilusia? E' sulu ca sta picciotta nun mi cala.

ANIMA 1: Pirchì nun è di bbona famiglia?

MENA: Sì, è la nipote di Padre Gaetano.

ANIMA 1: Allora è na brava carusa.

MENA: Eh... propriamenti, lu Diavulu e l'Acqua Santa! (*urla all'orecchio del nipote*) Nun è cosa pi tia sta picciotta.

SERGIO: Ma chi cci sunnu muschi cca dintra?

MARCELLA: Sì na musca cavaddina. E' cca d'arsira.

ANIMA 1: La scangiaru pi na musca, e cavaddina pi giunta.

MENA: Ma quali musca cavaddina, cca dintra cci sunnu sulu calabruna (*indica l'anima*) e cozzi. (*indica Marcella, poi all'orecchio del nipote*)  
Lassa perdiri sta picciotta.

SERGIO: Anna ammazzari, fina dintra l'oricchi si 'mpilanu.

MARCELLA: Amuninni Sergiu, ascuntami.

MENA: (*al nipote*) Mi senti, lassala iri sula.

SERGIO: Va bbeni. (*escono*)

MENA: E cu parlà un fantasma!

ANIMA 1: Appuntu.

PADRE GAETANO: (*entra*) Ah, eccu unni lassavu li chiavi? (*prende il mazzo di chiavi e sta per andare via*)

MENA: (*avvicinandosi al prete*) No no no, nun s'arrischiassi a nesciri di cca dintra?

PADRE GAETANO: Ma chi è? Ava essiri dda musca cavaddina chi c'era arsira. C'avia dittu a ma niputi Marcella di falla spriri.

MENA: E 'mmeci chidda sprì cu ddu muscuni di ma niputi! (*gli urla all'orecchio*) Patri Taninu, mi senti? Sugnu ia Mena, sugnu cca.

ANIMA 1: E ci sugnu macari ia, Girlannu.

MENA: Si stassi mutu, ca a lei nun la canusci, è stranieru! Parlu ia ca c'hau confidenza. (*ancora all'orecchio*) Patri Taninu...

PADRE GAETANO: (*pensando che sia la mosca, cerca di scacciarla*)  
S'impila macari dintra l'oricchi...ora l'ammazzu. (*prende una paletta per uccidere gli insetti e cerca la mosca*) Signuruzzu perdonami, u sacciu ca è n'essiri viventi ma propria nun la suppurtu cchiù! Avi d'arsira can nun mi lassa 'mpaci.

ANIMA 1: A mia da mezz'ura circa.

PADRE GAETANO: (*cerca la mosca*) Unni sini?

MENA: Cca è! (*spinge Gerlando vicino al prete per far colpire lui*)

ANIMA 1: (*a Mena*) Ma chi schifiu fa? (*il prete lo colpisce*) Ahi, ahi!

MENA: (*all'anima 1*) Facissi a musca, pirchè mi servi timpu pi riflettiri. (*si avvicina alla libreria*)

ANIMA 1: Ahi!

PADRE GAETANO: Zittuti zittuti ca forsi l'ammazzavu, sintivu cocchicosa.

ANIMA 1: Cca veramenti cci sugnu sulu ia ca sintu...

MENA: Chi senti? Chi senti?

ANIMA 1: Tutti li curpi chi staiu pigliannu. Ahi!

MENA: Bravu, continuassi accussì.

ANIMA 1: E ia avissi a pigliari curpi sulu pi farici piaciri?

MENA: 'Nzumma, voli collaborari, oppuri a fari tutti cosi ia?

PADRE GAETANO: (*cerca per terra la mosca ma non vede nulla*) Unni sini? Costituisciti spontaneamente tantu nun ti fazzu nesciri viva di cca! (*continua con la paletta*)

MENA: Facissi 'nzocchi c'addumannà, accussì pua u parrinu cci mitti na bbona parola davanti a Dia.

ANIMA 1: (*cerca di scappare ma il prete lo colpisce*) Mi piglià...ahi! (*a Mena*) S'arriminassi, ca lu parrinu avi la manu pisanti.

MENA: Esageratu, pi quattru curpi.

ANIMA 1: Vinissi o pustu mia a piglialli, allora.

MENA: Chi c'entra, ia sugnu la menti e cci mittu l'idei, lei ca è lu brazzu...

ANIMA 1: Ia ca sugnu u brazzu?

MENA: C'attocca pigliari curpi! Ma pua siddu simmu murti nun avissi a sentiri nenti.

ANIMA 1: Ci dissi ca ancora nun simmu né di cca e mancu di ddà.

MENA: Silenziu, ca ia m'haia concentrari. (*le viene un'idea*) Ma maritu nun dissi ca cci ivu 'nsunnu?

ANIMA 1: Ma cci pari u momentu di pinsari a sa maritu?

MENA: Certu, ia nun mi ricurdu, ma sicuramenti, fu a ma anima ca c'apparì nnu sunnu.

ANIMA 1: E allura?

MENA: Allura amma fari 'nzocchi dissi iddu. Haia scriviri un pizzinu a Patri Taninu.

ANIMA 1: Ahi!

MENA: Ma nun po' soffriri in silenziu?

ANIMA 1: Sparti!

MENA: (*prende penna e agenda dalla scrivania del prete e cerca di scrivere*) Eccu, ora cci pruvu. (*prova ma non riesce*) Nenti nun scrivi.

ANIMA 1: Ahi!

MENA: (*ci riprova*) Facissi silenziu, ca forsi scrivi. (*contenta*) Bedda Matri, arriniscivu a scriviri u ma nomi.

ANIMA 1: Scrivissi videmma chiddu mia. S'allistissi.

MENA: E un momentu, chi prescia ca avi! (*prova ma non riesce*) Nun scrivi cchiù.

ANIMA 1: Haiu pigliatu curpi pi nenti!

MENA: Ma chi cci curpu ia siddu a pinna si scaricà. (*riprova*)

ANIMA 1: Patri Taninu i so parrucchiani sunnu accusì tirchiusi ca mancu si po' permettiri d'accattari na pinna bbona?!

MENA: (*riprova a scrivere ma per la fretta fa cadere agenda e penna*)

PADRE GAETANO: (*spaventato*) Bedda Matri, chi scantu! Quanti voti cci l'haia a diri a ma niputi di chiuiri a finescia du bagnu ca fa correnti?! (*si avvicina e legge*) Mena... rimannari...

ANIMA 1: Ma chi messaggu cci scrissi? Accussì cumu fa a capiri Patri Taninu?

PADRE GAETANO: E chi vol diri? Ah, s'haia a diri a Giovanni, ca è migliu rimannari lu funerali di Mena doppu lu matrimuniu e la laurea di li sa niputi.

MENA: No, ma chi capì?!

PADRE GAETANO: Sempri bbona e biniditta ma niputi Marcella! Lu scrissi idda stu messaggu pi mi fari ricordari.

MENA: (*all'orecchio*) Ma quali bbona e biniditta, chidda è un Diavulu. U scrissi ia. Nun s'ava rimandari lu funerali, ma sta ma morti.

ANIMA 1: Sulu pi idda pensa!

PADRE GAETANO: Ora vaiu nni Giovanni, sperannu ca m'ascunta.

MENA: (*prova a trattenerlo*) Noo, Patri Taninu!

PADRE GAETANO: Ancora sta schifiu di musca... (*con la paletta cerca di ammazzarla*) Veni cca, fatti ammazzari ca mi n'haia ghiri.

MENA: (*si allontana*) Turnassi cca unni era prima, l'ascuntassi! Nun si punnu ignorari li richiesti di un parrinu.

ANIMA 1: Nooo. (*disperato*)

MENA: (*all'anima 1*) Almenu lu trattinissi, sennò nni scappa.

ANIMA 1: E cumu fazzu?

MENA: A chi nni sacciu si facissi viniri cocchi idea.

ANIMA 1: Ma cumu non era lei la menti?

MENA: Sì, ma ia ora sugnu 'mpegnata a scriviri, nun puzzu macari pinsari. (*riprende in mano l'agenda e la penna, cerca di scrivere ma fa fatica*)

ANGELO DELLA MORTE: (*Entra vestito di nero compreso le ali*)

MENA: E chistu cu è ora? Cci mancava st'antru problema.

ANGELO DELLA MORTE: Ia nun sugnu un problema, sugnu l'angilu da morti.

ANIMA 1: Cu?

ANGELO DELLA MORTE: L'angilu da morti.

MENA: E chi voli?

ANGELO DELLA MORTE: Purtroppo pi vuantri vi vinni a pigliari.

ANIMA 1: (*prende la paletta delle mosche colpisce in testa il prete che sviene*)

MENA: Ma chi fici?

ANIMA 1: Mu dissi lei di mi fari viniri cocchi idea.

MENA: Bedda idea ammazzare u parrinu!

ANGELO DELLA MORTE: Scusatimi ma n'amma ghiri.

MENA: Arrivà in anticipu!

ANGELO DELLA MORTE: N'amma ghiri e di cursa sparti.

MENA: Cci staiu dicinnu ca sbaglià iurnu!

ANGELO DELLA MORTE: U sacciu.

MENA: Nni stu paisi, tutti cosi arrivanu sempri in ritardu, propria lei angilu da morti avia arrivari in anticipu?

ANGELO DELLA MORTE: Accussì mi fu cumannatu. Ma pua ormai, iorna cchiù, iorna menu chi cancia?

MENA: A lei sicuramenti nun ci cangia nenti ma a mia sì.

ANGELO DELLA MORTE: *(cerca di trascinare Mena)*

MENA: Mi lassassi. Chiffà nun lu vidi ca sugnu occupata a scriviri?

ANGELO DELLA MORTE: Chiddu c'avia a succediri fu già scrittu. Forza amuninni.

ANIMA 1: Nooo! *(a Mena)* Scrivissi ssi quattru paroli s'arriminassi.

MENA: Prima accapputtà u parrinu e ora m'addumanna di scriviri?

ANGELO DELLA MORTE: *(cerca di trascinare sia Mena che Gerlando)* Tantu ormai nun po' scriviri cchiù antru.

MENA: Ma chi voli? Mi lassassi.

ANIMA 1: Mi lassassi.

ANGELO DELLA MORTE: Quanti storii chi stati facinnu! Ma, chi pinsati ca ia m'addivirtu a ghiri arricampannu murti a destra e a manca?

MENA: Allora cangiassi mistiri.

ANGELO DELLA MORTE: Chissu è lu compitu chi mi fu affidatu. E siccumu mi fu cummanatu dall'alto, ata viniri cu mia. *(l'angelo cerca di*

*tirarli a sé ma loro fanno resistenza, puntando i piedi al pavimento con forza)*

MENA: Nun ci vugliu viniriii.

ANIMA 1: Nun ci vugliu viniri!

MENA: Haiu chi fari.

ANIMA 1: Haiu chi fari!

MENA: *(all'anima 1)* A voli finiri di fari u pappagaddu? *(cercando di convincere l'angelo)* C'haiu u matrimuniu e a laurea.

ANGELO DELLA MORTE: Basta!

MENA: Patri Taninu, m'aiutassi, Patri Taninuuuu, s'aggivigliassi.

ANGELO DELLA MORTE: A morti è na cosa naturali. Ma chi fa vi scantati da morti?

MENA: Ma quali scantari! *(al Signore)* Signuruzzu dicu ia, era propriu necessariu farimi truvati cca, quannu arrivà st'angilu da morti? *(all'angelo)* Ia haiu chi fari. Si purtassi sulu a Giralannu.

ANIMA 1: Si zittissi!

ANGELO DELLA MORTE: Nun c'è cchiù timpu! *(Li afferra tutti e due)*

MENA: Si sbaglia. Pi muriri c'è sempri timpu! *(tiene tra le mani agenda e penna. Si chiude il sipario e da fuori si sente un gran frastuono)*

**FINE 1° ATTO**

## 2° ATTO

*Siamo nella hall del Paradiso, ma l'ambiente è completamente insignificante molto lontano dall'immaginario comune di Paradiso. Sono in scena San Pietro, Mena e l'Angelo della morte. Una porta comunica con il corridoio. Le anime sono vestite di bianco, se si preferisce possono indossare anche una maschera per coprire gli occhi.*

ANGELO DELLA MORTE: (*trascinando Mena*) Signuri ti ringraziau. Arrivammu ... missioni compiuta! Ma pirchè nun vuliva viniri?

MENA: Sapi com'è nun avia murutu mai. E sinceramenti avissi vulutu arrivari fra 5/6 iorna.

ANGELO DELLA MORTE: Lu sapi can nun si po' mittiri lingua 'ncapu l'operatu di Dia.

MENA: Lu sacciu ma, datu ca ci sarannu du festi 'mportanti, nni la ma famiglia...ia nun capisciu pirchè propria...

DIO: (*entra*) Capiri, capiri, vuantri umani vuliti capiri troppi cosi. Sulu fidi vi chiedu, fidi sulu chissa.

MENA: (*inchinandosi*)

DIO: Ben arrivata.

MENA: Sugnu onorata di fari la so conoscenza, ma...

DIO: Chi cos'è ca la proccupa?

MENA: Fidi haiu avutu tanta nni la ma vita, ma (*piange*) nun si putissi rimandari?

DIO: Rimandari chi cosa?

MENA: Rimandari sta morti. Nun mi po' fari risuscitari?

DIO: E cumu no! Accussì lei risuscita e l'antri chi la vidinu arricampari viva murinu d'infartu!

MENA: Morti chi veni pi mia pigliati u cavaddu! Ia haiu motivazioni seri.

DIO: Nun si po' fari, mi spiaci.

MENA: E ammucciuni di tutti? Pi na pucu di iorna, almenu p' assistiri a laurea e lu matrimuniu di li ma niputi. (*guarda Dio con un sorriso meraviglioso*) C'addumannu sulu stu miraculu e pua basta.

DIO: Nun puzu fari decidiri a vuantri cumu, quannu e unni muriri. C'è un distinu scrittu e nun si po' canciari.

MENA: Allora a chi servi priari li santi, siddu stu destinu è immutabili?

ANGELO DELLA MORTE: E' scrittu videmma quannu prigati, u capì?

MENA: Mi servi sulu nantra tanticchia di timpu.

DIO: Si lu ricorda u Patri Nosciu? Cumu recita. Sia fatta...

SAN PIETRO: (*entra*) Sia fatta la sua volontà. (*fa inchino con mani giunte*)

DIO: San Pitru, cumu concordatu, c'affidu st'anima.

SAN PIETRO: (*inchinandosi*) Nun è pi contraddilla ma, fussi possibili affidalla a cocchi antru Santu?

DIO: A cocchi antru? A cu?

SAN PIETRO: Uh, cci nni sunnu tanti Santi disoccupati nni stu periodu.

MENA: Picciutti chi timpi niuri, nun c'è travagliu mancu in Paradisu. Unni amma arrivari dicu ia?

SAN PIETRO: Chi sacciu...c'è Sant'Agostinu, Sant'Angilu.

DIO: No, pi chiddi amma spittari tanticchia. Paccamad'ora stannu usufruinnu d'un periodu di riposu.

MENA: Pensa chi cosi? Macari li santi vannu in ferii!

SAN PIETRO: Sant'Antoniu?

MENA: E no ah! Sant'Antoniu propria no. Ogni vota ca c'addumannava na grazia, nun m'ascuntava mai.

SAN PIETRO: Ci vulissi na Santa fimmina...e siddu lu dicissimu a Santa Lucia?

MENA: Sì, sì, sugnu d'accordu. E' propria a Santa giusta pi mia. Simmu macari conterranii.

DIO: (*a Pietro*) Nun po'essiri, lu sa ca è occupata.

MENA: (*cerca di convincerli*) Datu ca siti a curtu di personali ia, mi nni turnu 'n Terra. Chi nni pinsati?

ANGELO DELLA MORTE: E ia avissi a rifari nantra vota tuttu u teatrinu chi mi fici fari pi purtalla cca?

MENA: (*a Dio*) No, siddu mi faciti turnari ddà sutta ora, ia cci giuru ca pua nun fazzu cchiù storii pi muriri.

DIO: (*a Mena*) Cci dissi ca nun è possibili. (*a San Pietro*) Pitru, mi spiaci nun putiriti accuntintari, ma chistu è compitu tua.

SAN PIETRO: (*cerca di convincerlo a togliergli l'incarico*) Caru Patri Eternu, ormai hai una certa età...

MENA: (*pacatamente*) E a st'età arrivanu tutti l'acciacchi... li gammi nun hannu cchiù forza.

ANGELO DELLA MORTE: Ah, a chiddi sua nun ci nni manca forza di sicuru! A cumu appuntiddava li pidi pi nun viniri cca.

MENA: Mani e pidi sempri ghiacciati e pua nun parlammu da testa, (*all'angelo della morte*) sintissi, chi l'haiu calla. Tuccassi, ma normali è?!

ANGELO DELLA MORTE: Ma chi nni sacciu ia? Ne ca sugnu dutturi!

MENA: (*con un gran sorriso cerca di convincerli*) E' migliu siddu ia turnu n'arriri. Lu fazzu pi vuantri. Quannu assumiti personali nuvu, m'arricampu.

SAN PIETRO: Pi idda ci voli un Santu giovani, a mia mi dassi...

MENA: A penzioni...

DIO: Basta Pitru.

SAN PIETRO: (*inchinandosi*) Sia fatta la sua volontà.

MENA: San Pitru, cci tocca travagliari. Ia li pruvavu tutti pi lassallu arripusari.

SAN PIETRO: E mi n'addunavu! Migliu pi mia siddu mi fazzu a Cruci.

MENA: Appuntu pirchè a strata pa penzioni è ancora longa.

SAN PIETRO: Siddu c'arrivu a penzioni? Siddu nun muru prima?

MENA: Ma siddu è murtu.

SAN PIETRO: Veru è.

MENA: Eh, a testa, nun c'arraggiuna cchiù.

DIO: Mi raccumannu Pitru, confidu nni tia. Spiegaci tutti cosi, n'ammu caputu, (*sottolineando*) tutti cosi! (*esce*)

MENA: (*a San Pietro*) E ora chi si fa?

SAN PIETRO: Ora cci cummeni seguiri tutti i ma consigli, specialmenti siddu voli superari l'esami.

MENA: Quali esami?

SAN PIETRO: L'esami chi farà doppu u misi di prova.

MENA: Provi? Puri cca?

SAN PIETRO: A vita è tutta na prova.

MENA: A vita appuntu! Ma ia ormai murivu.

SAN PIETRO: Ancora, l'anima nun è né di cca e mancu di ddà...doppu...

MENA: Sta frasi mi ricorda... coccunu...Ah, ma chi fini fici Girlannu?

SAN PIETRO: Cu?

MENA: Girlannu, u ma amicu di viaggiu.

ANGELO DELLA MORTE: Nun potti arrivari. Pirchè mentri vinivamu, mi cadì dill'ala.

MENA: Mi sta dicinnu ca arristà ddà sutta?

ANGELO DELLA MORTE: Purtroppo sì. Appena m'arriparanu l'ala, u vaiu a pigliu.

MENA: Ma chista è n'ingiustizia!

ANGELO DELLA MORTE: Ma quali ingiustizia! Accussì capità!

MENA: Allora cci vighu puri ia a pigliari a Girlannu. Mi tocca.

SAN PIETRO: Ci tocca?

MENA: Cumu risarcimintu pirchè mi facistivu arrivari cca quannu nun era lu momentu.

ANGELO DELLA MORTE: Ma accussì mi fu cumannatu! Cumu cci la diri?

SAN PIETRO: E chi fazzu pua nna relazioni cci scrivu ca si nni ini arriri?

MENA: Quali relazioni?

SAN PIETRO: A relazioni c'haia a scriviri pi Dia.

MENA: 'Ncapu di mia?

SAN PIETRO: E certu!

MENA: Allora, cumu dissi antura lei, mi puzzu fari la Cruci. Mancu si vuliva occupari di mia, figurammuni siddu ci mitti na bbona parola 'nnanzi a Dia.

SAN PIETRO: (*irato*) Nun su scurdassi ca ia sugnu San Pitru, e giudicu pi chiddu chi è, senza raccumannazioni pi cu e pi chiccosa.

MENA: (*pentita fa un inchino*) Mi scusassi. Avi picca ca arrivavu e ancora sugnu abituata a arragjunari cumu n'Terra.

SAN PIETRO: Cca si l'ava scurdari sti modi di fari terreni, sennò lu Patri Eternu si siddia, e a po' fari scinniri di un gradinu.

MENA: Di un gradinu? Veramenti?

SAN PIETRO: E macari di du. Chiffà voli pruvari?

MENA: No...no, pi carità. Cci tignu a ristari cca. Pi tutta a vita haiu caminatu latina. Macari tutti li genti du paisi punnu confermari ca haiu statu na cristiana onesta, di cori e...

SAN PIETRO: E sempri sorridenti.

MENA: Sempri! Anchi duranti li momenti turti, m'hiau affidatu a lu Patri Eternu.

SAN PIETRO: Allora, continuassi accussì e tutti cosi filerannu pu virsu giustu. Vaiu un momentu all'aldilà.

MENA: Pirchè cca unni simmu?

SAN PIETRO: Aldiquà, no? (*esce*)

ANGELO DELLA MORTE: Macari ia vaiu all'aldilà.

SAN PIETRO: Aspittassi cca. (*escono*)

MENA: (*rimasta sola*) Mah! Antru chi Paradisu, secunnu mia finivu 'ntre un manicomiu.

VOCE: (*da dietro le quinte*) Sciii!

MENA: Bedda Matri cu è?

VOCE: Ia sugnu.

MENA: Ia cu?

SAN PIETRO: (*rientra*) A sa cuscienza ca c'arrispunni quannu dici cosi can un avissi a diri!

MENA: Nun si po'mancu parlari.

SAN PIETRO: Arrivu tra un momentu va bbeni?

MENA: Arriri? San Pitru mi scusassi, prima ca si nni va mi dici unni è n'orologiu?

SAN PIETRO: Nun ci nn'è cca orologi.

MENA: E una cumu fa a sapiri c'ura sunnu.

SAN PIETRO: Cca nun servi curriri apprissu all' uri.

MENA: Chissu è chiddu chi pensa lei...lu ma stomacu 'mmeci si lamenta perciò ava essiri già mazziurnu. Chi si mangia cca in Paradisu? C'è tecchia di pasta cu a sarsa? Anzi, migliu na minescia leggìa leggìa.

SAN PIETRO: (*ironico*) Ma certamenti, cumanna antru? E pi secunnu c'aggrada na mozzarella?

MENA: No, nun nni mangiu mozzarella.

SAN PIETRO: Na fettina 'mpanata?

MENA: No...no, nenti carni a mazziurnu. Siddu mi voli purtari tecchia di salsiccia macari.

SAN PIETRO: Ma cumu dici can un nni voli carni?

MENA: Appuntu, a salsiccia ne ca è carni!

SAN PIETRO: (*ironico*) No chiffà babbiammu ne ca è carni. E vistu ca cci simmu c'aggiungimmu anchi un cannulu cu a ricotta?

MENA: No, astura no, ca pua m'arresta 'ngapu u stomacu. Cchiù tarduliddu, macari pi merenda, l'accittu volentieri. 'Mmeci mi purtassi 5 minnuli.

SAN PIETRO: 5?

MENA: Sì, chiossà no. Sennò pua mi fannu indigestioni.

SAN PIETRO: *(con pazienza)* Ma chi scangià stu pustu pu ristoranti? Cca nun c'è bisugnu di mangiari pirchè si cura lu spiritu e no u curpu.

MENA: Cci lu spiegassi lei a u ma stomacu!

SAN PIETRO: Stassi tranquilla ca doppu qualchi iurnu cci passa.

MENA: Mi passa sicuru?

SAN PIETRO: Sicuru. Nni vidimmu a nantra tanticchia.

MENA: Chiffà mi porta du gomitoli di lana cu du uglioli, ca cci fazzu na bella sciarpa.

SAN PIETRO: Sciarpa? Figurammuni, nun nni usava quann'era vivu, l'avissi a usari ora.

MENA: Pirchissu ora di murtu avi tutti st'acciacchi. Ma cci fazzu vidiri ca cu la sciarpa chi cci fazzu, rinasci a nova vita. E cci fazzu videmma un paru di scarpì di notti, accussì cci callianu li pidi.

SAN PIETRO: Nun cci n'è lana cca.

MENA: Capisciu. Puzzu aviri allura un mazzu di carti?

SAN PIETRO: Quali carti?

MENA: Lassammu perdiri! Parlammu du linguì diversi. Pirchissu vuliva a Santa Lucia. Sicuru ca idda m'avissi caputu! Almenu mi po' diri chi puzzu fari nnu frattimpu?

SAN PIETRO: S'arripusassi. *(esce)*

MENA: *(rimasta sola si guarda intorno)* Mah? Di chi munnu e munnu si sapi ca u Paradisu è chinu di fiuri profumati, di alberi, di grasti. *(cerca)* Ah, quali grasti! Mancu un fiuri...macari unu fintu te! *(continua a cercare)* Fiuri? Cca nun c'è mancu na pala di ficudinnia! A sapillu m'avissi purtatu tutti i ma grasti. Almenu sulu a citronella, ca cu lu so fiauru avissi profumatu tuttu u Paradisu!

VOCE: Scii! C'ava fari cu li pianti?

MENA: Almenu nun mi sintissi spirduta. Una povera cristiana arriva 'ntre un pustu scunusciutu, ci la vuliti fari truvare cocchicosa di familiari?!

Comunque, lassammu perdiri. Nun ci puzzu pinsari ca Girlannu arrista ddà.  
Ma nun putiva cadiri ia, ‘mmeci d’iddu?

VOCE: Sciiii! Nun era u casu!

MENA: Era u casu, era u casu! Pircchè vulissi sapiri cumu stannu ma figlia,  
ma maritu, e soprattuttu, li ma niputi.

VOCE: Sciii! C’è cu cci pensa!

ANIMA 2: (*entra*) Bonasira.

MENA: (*sobbalza*) Cu ccu haiu piaciri di parlari?

ANIMA 2: Ma cumu cu ccu?

MENA: Chi fa nni canuscimmu?

ANIMA 2: Sugnu Caterina a suru di ta cugnata.

MENA: Bedda Matri, Caterina, nun t’avia canusciutu.

ANIMA 2: E’ normali. Ma tu, cumu sta? Lassasti a tutti  
accussì...all’improvvisu. E pi nu sbagliu pua.

MENA: Allora, haiu arragiuni. Ci fu sbagliu?

ANIMA 2: Sì. Pi puru casu sintivu lu Patri Eternu ca rimproverava a  
l’angilu da morti. Fu iddu a sbagliari.

MENA: Ma cumu? Iddu va dicinnu in giro ca accussì ci fu ordinato.

ANIMA 2: Ma no, li sintivu ia. U Patri Eternu era furiusu, migliu nun si cci  
truvare quannu è arrabbiatu. Lu fici niuru!

MENA: ‘Nca siccumu era sciacquatu!

ANIMA 2: Lu cunzà pi festi mischinu.

MENA: Ma quali mischinu, è curpa d’iddu siddu sugnu cca! Vidi un po’  
st’angilu da morti? Pari can un ci curpa e pua...(*imitandolo*) “Accussì mi  
fu cumannatu, accussì mi fu ordinatu”. Farsu cumu la luna! E sparti mancu  
mi detti preavvisu.

ANIMA 2: E chi vulivatu u preavvisu?

MENA: Mi putiva fari na telefonata, sulu sulu pi si lavari a coscienza.

ANIMA 2: Ma nun lu putiva fari.

MENA: Nun è giustu Caterina. Ca siddu unu sapissi, putissi purtari a termini certi cosi prima, di trapassari all'antru munnu!

ANIMA 2: Eh, ti capisciu.

MENA: Sinti ma tu u sa unni è San Pitru?

ANIMA 2: No, pìrchì?

MENA: Nenti, cci vulissi addumannari quali è a ma stanza, pìrchì mi sintu stanca.

ANIMA 2: Accamad'ora nun ha na stanza. Prima a superari a prova.

MENA: Ah, giustu, San Pitru mi parlà di sta prova. Amma vidiri tutta chi succedi doppu.

ANIMA 2: Doppu, deciderannu qual è lu 'ncaricu ca ti spetta.

MENA: 'Ncaricu?

ANIMA 2: Sì esattamenti, lu Patri Eternu scegli l'incaricu giustu pi ognunu di nantri.

MENA: Ah, sopidda chi mi farannu fari?

ANIMA 2: Boh! Nuddu u po'sapiri prima. Ora m'arritiru nna ma stanza.

MENA: E unni l'ha sta stanza, la puzzu vidiri?

ANIMA 2: No, purtroppu no.

MENA: Sulu pi mi fari n'idea di cumu sarà chidda mia.

ANIMA 2: Nuddu po' trasiri nni li stanzi di lantri, mi spiaci. Simmu sorvegliati.

MENA: Sorvegliati?

ANIMA 2: Già!

MENA: E cu è ca nni sorveglia?

ANIMA 2: Tutti l'angili, unu in particolari.

MENA: E cu è?

ANIMA 2: Nun lu sacciu.

MENA: Ma nni controllanu sempri?

ANIMA 2: Tranni duranti l'uri di pausa, ca però nantri nun canuscimmu!  
Ora ti salutu. (*esce*)

MENA: (*rimasta sola*) Nun c'è mancu na seggia. Na povera vecchia arriva e mancu si po' assittari.

ANIMA 3: (*entra*) Cucù Settiti!

MENA: (*si gira spaventata*) Ma chi è pazzu?

ANIMA 3: Mi scusassi a fici scantari?

MENA: Scantari? Mi fici muriri nantra vota.

ANIMA 3: Ma si mori na vota sula!

MENA: No, no, si po' anchi muriri cchiù di na vota, specialmenti siddu unu mori quannu nun è giustu muriri.

ANIMA 3: Boh! Nun la capisciu.

MENA: L'importanti ca mi capisciu ia. Comunque, cu ccu haiu l'onuri?

ANIMA 3: Sugnu u dutturi Bonsantu.

MENA: (*contenta*) Menumali ca tutti li strati portanu a Dia. La vuliva ringraziari pi tuttu chiddu chi fici pi ma maritu. Grazie, grazie veramenti.

ANIMA 3: Si fiurassi. Doveri.

MENA: Sempri troppu bbunu. Nun mi dicissi ca anchi lei appa superari l'esami?

ANIMA 3: E sì.

MENA: Ma lei in Paradisu c'avia arrivari pi direttissima! Cu tuttu lu bbeni ca ha fattu in vita sua. Puri u sa cognomi è na garanzia, dutturi Bonsantu.

ANIMA 3: Infatti, esami superatu a pieni voti.

MENA: Speriamu bbeni macari pi mia.

ANIMA 3: Canuscinnula sugnu sicuru can ci sarannu problemi. Sa maritu pua stetti bbunu?

MENA: Doppu l'esami di sangu ca cci fici fari lei, s'accumincià a limitari, almenu fina a ora. (*tra sé*) Ora vidimmu cu dda pasta 'ncaciata chi succedi?

ANIMA 3: Cumu?

MENA: No, nenti.

ANIMA 3: Ora però mi nni vaiu ca la fami s'accumincià a fari sentiri.  
Maliditta panzazza!

MENA: Videmma a lei cci veni fami, ancora?

ANIMA 3: Purtroppo sì.

MENA: Macari ia. E cumu si fa?

ANIMA 3: Nenti nun c'è nenti di fari.

MENA: Ma nenti nenti?

ANIMA 3: No, si fiurassi ca ia tutti i notti firriu nni la speranza di truvàri cocchicosa.

MENA: Di notti?

ANIMA 3: Si tra li 2 e li 4, però. Cioè, pi nantri sunnu i 2 e i 4 di notti. U capì?

MENA: Veramenti no.

ANIMA 3: Cca lu timpu e li iorna nun passanu cumu nna Terra.

MENA: E pirchè si mitti a firriari accussì tardu?

ANIMA 3: Pirchè chiddu è l'orariu in cui l'angili durminu.

MENA: Ma durminu propria tutti a s'orariu?

ANIMA 3: Pinzu di sì, sennò m'avissiru 'ncagliatu.

MENA: Ma cumu fa a sapillu? M'avianu dittu ca l'orariu nun si canusci.

ANIMA 3: Infatti, lu scoprivu pi sbagliu.

MENA: E mi parica nni fannu assà sbagli cca 'ncapu! E unni si nni va precisamenti?

ANIMA 3: Vicinu a stanza nummaru 115.

MENA: E pirchè propria a nummaru 115?

ANIMA 3: Pirchè chidda è la stanza di na signura ca in vita faciva a cuoca.

MENA: E bravu! Siddu trova cocchiosa di mangiari m'avvisassi mi raccumannu!

ANIMA 3: Cci cuntassi.

MENA: 'Mmeci, qual è a stanza di l'angilu da morti?

ANIMA 3: Stanza 17.

MENA: Disgrazia! Mi l'avvia a 'mmaginari!

ANIMA 3: Ma stassi attenta, pirchè nni li stanzi nun si po' trasiri. Ora a salutu e bbona furtuna pi l'esami. (*esce*)

SAN PIETRO: (*entra con un manuale*) Eccumi cca. Allura, chissu si l'ava leggiri tuttu.

MENA: Tuttu? Ma sunnu almenu almenu 1000 pagini.

SAN PIETRO: 1000 e 300 cu precisioni. Nun ava santari mancu una.

MENA: Ma ia nun sacciu leggiri bbona.

SAN PIETRO: Sapi leggiri, sapi leggiri. Cca nun è ammessa 'gnoranza.

MENA: Ia fici sulu a secunna elementari.

SAN PIETRO: Ma siddu ci dicu ca sapi leggiri! Pruvassi. (*apre una pagina a caso*) Chi c'è scrittu cca?

MENA: Ora cci fazzu vidiri ca nun sacciu leggiri. (*riesce a leggere*)  
130esima regola: "Se in Paradiso vuoi restare tante preghiere devi fare".

SAN PIETRO: Concorda, veru?

MENA: A cumu nun concordu. Ci mancassi.

SAN PIETRO: Brava! U vitti ca sapi leggiri? Avanti continuammu... (*apre un'altra pagina a caso*) chi c'è scrittu cca?

MENA: 185esima regola: "Se al trentesimo giorno arriverai, cura degli altri ti prenderai"

SAN PIETRO: E' giustu? U capì veru?

MENA: Se arriverò, però!

SAN PIETRO: Bbunu allura la lassu studiari.

MENA: Ma nun puzzu santari cocchi pagina?

SAN PIETRO: E chi voli travagliari part time? No, si l'ava leggiri tutti, mi raccumannu ca pua l'interrugu.

MENA: Ma quantu timpu haiu pi studiari tutti sti cosi?

SAN PIETRO: Considerannu ca avi già chiossà d'un iurnu ca murì, ci n'arrestanu all'incirca 29.

MENA: Chiossà d'un iurnu? Già! Ma pirchè c'ura sunnu?

SAN PIETRO: Nna Terra l'1 e mezza di notti.

MENA: Ma cumu tuttu stu timpu passà?

SAN PIETRO: Cca lu timpu nun si po' misurari cumu 'nTerra. Cca...

MENA: Sì, lu sacciu... Però ora caru San Pitru, vistu ca ha passatu già un iurnu mi cummeni accuminciari subitu, sennò nun c'arrivu a finiri tuttu stu libru.

SAN PIETRO: Brava! Si mittissi, tranquilla tranquilla a studiari.

MENA: Ma quali tranquilla? Animi chi trasinu e niscinu in continuazioni. Pari un purtu di mari. Nun si putissi chiuiri a porta?

SAN PIETRO: No, li porti di lu Paradisu sunnu sempri apirti.

MENA: E chissu è veru. Però... *(cerca di convincerlo con un gran sorriso)*

SAN PIETRO: Facimmu accussì, cci prumittu ca nun fazzu trasiri cchiù a nuddu.

MENA: A nuddu, sicuru?

SAN PIETRO: A nuddu.

MENA: Mancu lei, però!

SAN PIETRO: Ora nun esagerammu.

MENA: *(con un gran sorriso)* Siddu lei trasi quattu quattu mentri ia sugnu concentrata a studiari, mi mitti soggezzioni.

SAN PIETRO: E va bbeni, facimmu ca quannu ia haiu bisugnu di trasiri cca, l'avvisu.

MENA: M'avvisa cu un fischiu va bbeni?

SAN PIETRO: (*rassegnato*) Va bbeni.

MENA: Un quartud'ura prima però.

SAN PIETRO: Cci n'avi cchiù richiesti? Un quartud'ura prima, sta bbeni. Accuminciassi però. Ora subito! Ah mi raccumannu, studiassi bbeni soprattutto li regoli 135 e 190.

MENA: E pirchì?

SAN PIETRO: Pirchì ssi du regoli sunnu fondamentali...U capì? Pua nun mi dicissi can nun l'avvisavu! (*esce*)

MENA: Finalmenti si nni ini. Secunnu iddu m'haia mittiri a studiarì propria ora ca sta arrivannu l'ura di riposu pi l'angili, po' stari friscu. (*si affaccia all'uscio che va verso i corridoi*) Aspittammu. Ava nesciri. Ah, eccu u dutturi Bonsantu. (*aspetta un po'*) Ancora firria? (*aspetta*) Ma si nni voli iri?! Ma lu voli capiri can un ci nesci nenti di mangiari. (*ricontrolla*) Si nni ì! Signuruzzu aiutami.

VOCE: Scii! Ma chi fa?

MENA: Cara coscienza siddu tu nun ha ripusu, almenu fatti i fatti tua! (*va nella stanza dell'angelo della morte e rientra con la sua giacca. Prende un foglio dall'agenda e la penna che ha in tasca, prova a scrivere*) Un miraculu! Scrivi! Certu simmu in Paradisu. Siddu nun ci sunnu cca i miraculi. (*scrive e poi gira la giacca*) Tal'è chi pirtusu? Perfettu, lu 'nfilu cca. (*infilà il foglio nel buco sul retro della giacca poi sopra il pezzo di foglio rimasto in vista scrive*) "Girllannu liggi stu fogliu". Siddu sinn'adduna prima l'angilu, di Girllannu, mi mannanu direttamenti 'o 'Nfirnu! Ma sì, siddu sinn'adduna cci dicu ca u fici pi c'attuppari u bucu. (*va a rimettere a posto la giacca e rientra*) Menumali ca l'angilu russava cumu un tratturi! (*si tappa la bocca con le mani*) Nun mi sintì? Nun parla? Oh, finalmenti è a ripusu puri a ma coscienza.

ANIMA 4: (*entra*) Bonasira, chi piaciri.

MENA: E menumali can nun avia a trasiri cchiù nuddu!

ANIMA 4: Cumu sta?

MENA: (*ironica*) Sana cumu un pisci! Sprizzu saluti di ogni pirtusu! Ma chi dumanna è? Cumu puzzu stari siddu sugnu cca? Ma pua nni canuscimmu?

ANIMA 4: No, lei nun mi canusci. Ma sugnu cca p'aiutalla.

MENA: Aiutari? A mia? Ast'ura, è notti pirchè nun si va arriposa?

ANIMA 4: Vinni astura apposta, accusi cci puzzi parlari senza essiri sintutu. Piaciri sugnu l'avvocatatu du Paradisu.

MENA: Ah, piaciri. Ia la ringraziu ma nun haiu bisugnu di n'avvocatatu. Sempri latina haiu caminatu.

ANIMA 4: Sì lu sacciu ma, cci vugliu dari un consighiu.

MENA: Ah, i consighi s'accettanu sempri.

ANIMA 4: Siddu trova un pirtusu, si girassi di l'antra banna. Nun si n'ava occupari, mai. U capì?

MENA: Ma quali pirtusu?

ANIMA 4: U pirtusu ca cci servi pi collegarisi cu...u capi?

MENA: (*tra sé pensando che si riferisca al buco sulla giacca dell'angelo*) Bedda Matri ma cumu fici a scopiri c'attuppavu u pirtusu da giacca?

ANIMA 4: Mi sintì o no? Siddu u trova, s'allontanassi subitu!

MENA: Ma nun puzzi mancu pruvari a chiuilu?

ANIMA 4: Noo, pi carità, manzennò nun la puzzi addifenniri mancu ia. Ora a salute e mi raccumannu, siddu u trova, s'allontanassi! (*esce*)

MENA: (*rimasta sola*) Ma nun mi lu putiva diri prima? Ormai. Puzzi sulu spirari ca l'angilu nun avi macari l'ucchi narriri! Ma San Pitru unni Diavulu...

VOCE: Sciii! Chi sunnu ssi nomi cca in Paradisu?

MENA: S'aggiviglià! Ma stavota ha arragiuni cara coscienza. Addumannu scusa.

DIO: Ah, cca è?

MENA: Santissimu Patri Eternu unni puzzi essiri.

DIO: Sta studiannu veru?

MENA: Tuttu u libru a memoria!

ANGELO DELLA MORTE: (*entra insieme a Gerlando*) Arrivammu.

MENA: Ma cumu vola lu timpu cca!

ANIMA 1: (*inchinandosi*) Patri Eterno, sia sempri lodatu pi la grazia ricevuta.

MENA: (*senza farsi vedere riprende dalla giacca il biglietto che aveva scritto per Gerlando, tra sé*) Annammazzari, mancu lu liggì!

ANGELO DELLA MORTE: Ma chi è a ma ummira? Mi segui?!

MENA: No, pi carità, sulu chissa mi manca. Sulu ca c'avi un pirtusu nna giacca?

ANGELO DELLA MORTE: Veramenti?

MENA: Sì, e biddu granni pi giunta. Nun si n'avia addunatu?

ANGELO DELLA MORTE: No.

MENA: Menumali.

ANGELO DELLA MORTE: Menumali?!

MENA: No, dicu, menumali ca si po' arriparari.

ANGELO DELLA MORTE: Lei dici? E' sicura?

MENA: Eh, macari cu un pizzu di carta.

ANGELO DELLA MORTE: Menumali. Allora mi nni vaiu. (*esce*)

DIO: (*a Gerlando*) Aspittassi cca, ca ora vaiu avvisari u sa angilu custodi.

ANIMA 1: Angilu custodi? E cu è?

DIO: Santa Rosalia.

MENA: Ma quali Santa Rosalia, a iddu c'attocca Santa Lucia.

DIO: No, Santa Rosalia.

MENA: Santa Lucia, pirchè avi problemi all'occhi!

ANIMA 1: Ma ia cci viu bbunu.

MENA: A cumu no.

DIO: (*esce*)

MENA: Ma pirchè s'arricampà?

ANIMA 1: Cumu pirchè? Cumu mi putia rifiutari?

MENA: Siddu liggiva la littra chi cci mannavu?

ANIMA 1: Siddu avissi scrivutu cocchicosa?

MENA: (*legge fuori*) Chi c'è scrittu cca? "Girlanu liggi stu fogliu"

ANIMA 1: E ia chissu lu liggivu. Ma pua dintra nun c'era scrittu nenti.

MENA: Nenti? Ma chi avi l'occhi chiusi? C'avia scrivutu ca di cca stava circannu un modu pi comunicari. Cci scrissi ca s'avia ittari dill'ala, ca m'avia aspittari...

ANIMA 1: Ma quali, nun c'era scrittu nenti.

MENA: (*apre la lettera, è bianca*) Ma chi successi?! U fogliu è biancu.

ANIMA 1: Sappa cancellari.

MENA: Ma chi faciti macari finti miraculi cca in Paradisu?!

VOCE: Scii! Nun si po' comunicari cu a terra di cca!

ANIMA 1: (*spaventato*) Cu è?

MENA: Nun si scantassi è a ma coscienza. Ogni tantu parla a vampira!

SAN PIETRO: (*rientra*)

MENA: San Pitru, menumali ca m'avia dittu ca nun faciva cchiù trasiri a nuddu e ca m'avvisava cu un fischiu prima di trasiri cca?

SAN PIETRO: Ia c'avia dittu accussì?! Ma siddu mancu sacciu fischiari!

MENA: (*tra sé*) Appustu simmu. Chiddu chi teni li chiavi du Paradisu nun è mancu capaci a fischiari.

SAN PIETRO: (*rivolto a Gerlando*) Vinissi cu mia. (*escono*)

MENA: (*rimasta sola, si appoggia ad una parete, si apre una piccola fessura. Preoccupata*) Bedda Matri! Fici dannu! (*si guarda intorno per essere sicura che non arrivi nessuno*) Ma unni sbuca? Possibili? (*si stacca incredula, poi riguarda e*) Chiddu è Carmelu e cci purtà di mangiari a ma maritu. A pasta a fornu, a carni 'mpanata e videmma un cannulu cu a ricotta. Giovanni rifiuta! Ora rifiuta...no, ma chi fa ti li pigli?! Poveru colistirolu! (*si allontana immediatamente dalla fessura ma poi attratta torna a guardare e*) Giovanni, mancu timpu di girari l'occhi ca già ti calasti tutti cosi? (*incredula...cerca di chiamare il marito*) Giovanni, Giovanni.

Nenti nun mi senti. (*si allontana*) E puri c'ava essiri un modu...sennò a chi servi stu pirtusu? (*si riaffaccia*)

VOCE: Scii! Nun si po' fari!

MENA: Aspetta aspetta... (*Prende carta e penna*) Pi prima cosa a sistimari a ma maritu. (*scrive il primo biglietto*) 1: "Giuovanni, vitti tutti cosi. "Nun è veru ca ti calasti a Don Cola cu tutta a tunica"? Pi ora ti puzzu sulu spiari, ma appena scinnu! (*piega il foglio*) Chistu è pi li ma niputi. (*piange*) 2: "Cari li ma niputi, u sacciu ca siti tantu dispiaciuti ca murivu. Ma pi lu vostru iurnu cchiù bellu ata essiri felici, pirchè trovavu u modu pi essiri presenti. Vi vugliu bbeni a nonna." (*lo piega, poi scrive altri bigliettini*) U primu bigliettu pi Girlannu, si cancellà...ma nun si punnu cancellari tutti. (*si riaffaccia alla fessura*) Aspittammu. Eccu ma maritu sta niscinnu. L'angili stannu sicuramenti arripusannu, sugnu appustu. (*butta giù tutti i bigliettini*) C'arrivaru! Sta ligginnu, allura nun si cancellaru? (*felice*) Sta taliannu cca. U capì!

GIOVANNI: (*da dietro le quinte*). Mena ma veramenti nni pua vidiri?!

MENA: (*urla*) Sì, sì! (*incredula*) Nun ci puzzu cridiri ca trovavu u modu pi comunicari. (*si sente un gran frastuono*)

DIO: (*urla da dietro le quinte*) San Pitru! (*entra, poi irato a Mena*) Ma chi cuminà?

MENA: (*sobbalza dallo spavento*) Nenti, nenti chi cuminavu? Stava sulu pigliannu na vuccata d'aria. (*si copre la bocca con le mani*)

VOCE: Scii! Migliu diri a verità ormai!

DIO: (*chiama San Pietro*) San Pitru... San Pitru.

SAN PIETRO: (*entra inchinandosi*) Sia fatta la sua volontà.

DIO: Allura nun ci spiegasti nenti?

SAN PIETRO: Certu ca cci lu spiegavu. E mi raccumannavu sparti!

DIO: (*irato*) Allura, cumu si spiega c'arriniscì a comunicari cu u maritu? Sini tu u responsabili!

SAN PIETRO: (*spaventato*) Ia mancu lu vuliva st'incaricu.

MENA: Ma ia nun fici nenti, mi vuliva sulu appuiari, pua u bucu si grapì sulu. Ora chi succedi?

SAN PIETRO: Ia l'avia avvisatu su ricorda?

MENA: Ma chi dici? Quannu?

SAN PIETRO: Quannu cci dissi di studiari a 135esima e la 190esima regola. M'ascuntà?

MENA: (*inventando*) Certu! Allura, c'era scrittu ca... Dia è un patri di famiglia, ca... perdona a tutti.

SAN PIETRO: Ma lu grapì almenu lu libru?

MENA: Cocchi vota.

VOCE: Scii! La verità!

MENA: E va bbeni, nun haiu avutu timpu di studiari.

DIO: Certo era 'mpegnata a circari u pirtusu. Menumali ca l'angilu contrulluri nun s'arriposa mai e m'avvisà!

MENA: (*preoccupata tra sé*) L'angilu contrulluri? E cu è ora chist'antru?

SAN PIETRO: L'angilu can nun s'arriposa mai.

DIO: Chiddu ca pi fortuna vi controlla e m'aggiorna sempri su tutti cosi!

MENA: Stu spiuni! U dutturi Buonsantu lu lassati firriari indisturbatu però! (*a Dio supplicandolo*) Cci lu giuru si grapì sulu, addumannu perdonu. Ora chi succedi?

DIO: Pitru illuminala!

SAN PIETRO: 135esima regola: "Se per sbaglio un uscio troverai, in fretta e furia lo chiuderai. Gli affari tuoi ti farai altrimenti in tentazione cadrai". 190esima regola, "Se gli eventi proverai a cambiare, il Paradiso dovrai abbandonare".

MENA: (*chiama disperatamente*) Avvocatu, avvocatu. Dicica mi putiva aiutari?! Avvocatuuu... unni è?

DIO: Ora da qui sloggerai e all'...

ANIMA 4: (*entra affannato*) Un momentu, un momentu. Vignu in difesa di sta povera anima. (*a Mena*) Cci l'avvia dittu ia di stari luntana du pirtusu!

MENA: Allura era chistu lu pirtusu a cui si riferiva?

SAN PIETRO: Ma quali difesa?

ANIMA 4: L'imputata, è nnu giustu, pirchè nun furu rispittari li tempi da morti.

MENA: Appuntu!

ANGELO DELLA MORTE: (*entra*)

MENA: A curpa è d'iddu, arrivà prima pi nu sbagliu.

ANGELO DELLA MORTE: Tutti putimmu sbagliari!

MENA: Tutti, ma no l'angilu da morti! Ma cumu fici a sbagliari?!

ANGELO DELLA MORTE: Purtroppo scrissi nni l'agenda u sa nomi o pustu di nantru.

MENA: Scangià a ma morti cu nantru?! E cu cu?!

SAN PIETRO: (*sta per pronunciare il nome*) Cu... A...

DIO: (*rimproverando San Pietro*) Pitru mutu! A sistuazioni è già abbastanza gravi, nun la peggiorammu!

ANGELO DELLA MORTE: (*alla nonna*) Ia puzzu sulu chiedici scusa.

MENA: (*piange*) Nun li puzzu accittari sti scusi.

ANGELO DELLA MORTE: Ma cca simmu in Paradisu, nun mi po' perdonari?!

MENA: No, pi curpa sua... sugnu già nell'aldilà, cioè aldiquà. (*a Dio*) E ci pari giustu?

DIO: Nun è giustu, ma nun era autorizzata a stravolgiri l'aventi ca ormai successiru.

ANIMA 4: L'imputata vuliva sulu assistiri a lu matrimuniu e a la laurea.

MENA: (*piange*) Appuntu. Ia ne ca dicu can un avia a muriri...

DIO: Nun si discutinu li decisioni di Dia!

ANIMA 4: Certu, ma vistu e consideratu ca si fici viniri prima, avi dirittu a nu scontu di pena.

MENA: Perciò, all'angilu ca sbaglià cristiana u perdonastivu?! Mentri a mia...

ANIMA 4: L'imputata avi arragiuni. A liggi è uguali pi tutti!

MENA: Cci giuru ca siddu mi fa ristari... (*piange*)

DIO: Basta! (*mentre alza le mani la scena si oscura e il sipario si chiude*)

MENA: (*da dietro il sipario*) Ma chi cci fazzu cca? Nantru sunnu?

ANGELO DELLA MORTE: No! Nun sta sunnannu è veramenti 'ncapu a Terra.

MENA: L'angilu da morti? Arriri cca è? E no ah, mancu timpu d'arrivari?

ANGELO DELLA MORTE: Nun si preoccupassi, pi mi fari perdonari, aspittu ca passa stu iurnu.

NONNA: Ma chidda è ma niputi ca si sta laureannu. Chi sugnu emozionata!

ANGELO DELLA MORTE: Certu can un m'avia capitatu mai di ripurtari narriri na morta.

MENA: Ma cumu mai Dia m'accuntintà?

ANGELO DELLA MORTE: Pirchì si unu cci cridi i miraculi si realizzanu. Dia capì can nun era giustu fari pagari a lei n'errori mia.

MENA: (*si sentono le campane*) Ora simmu nna chisa. Eccu a zita! Che bedda ma niputi. (*piange*)

ANGELO DELLA MORTE: Avanti issi a abbrazzari li sa niputi.

MENA: Ma puzzu? E siddu mi sintinu?

ANGELO DELLA MORTE: No, nun punnu sentiri l'anima.

MENA: Grazii Dia, chissu è propria u cchiù bellu rialu chi putiva riceviri. (*all'angelo*) Amuninni, mi purtassi unni cci fu cummannatu di mi purtari. (*i due entrano in Paradiso, lo sfondo è ricco di fiori. Mena è circondata da 3 anime, rispettivamente la madre, il padre e la sorella. Rivolta all'angelo*) Ma sbaglià strata...mi purtà arriri in Paradisu?

ANGELO DELLA MORTE: Stavota nun sbagliavu.

3 ANIME: (*dopo un abbraccio a Mena escono*)

MENA: (*piange e...*) Grazii Dia pi avirimi fattu ricongiungiri anchi sulu pi un momentu cu ma matri, ma patri e ma suru. (*si guarda intorno*) Ora sì ca è veramenti un Paradisu... cu tutti sti fiuri e sti pianti.

ANGELO DELLA MORTE: Si occuperà lei di tutti sti cosi. E' cuntenta?

MENA: Cchiù felici di mia nun c'è nuddu! E lu misi di prova?

ANGELO DELLA MORTE: Prova annullata... (*riflessivo*) Ora ca cci pinsu... è la prima vota ca si decidi di annullari la prova.

MENA: Ddu San Pitru fici carti farsi!

ANGELO DELLA MORTE: E ci criu, lei si mittiva sempri a tu per tu cu lu Patri Eternu? Ma nun aviva paura?

MENA: Lu coraggiu vinci la paura! (*al pubblico*) E chi fussi bellu caru publicu, siddu coccunu di li nosci cari defunti, coccunu però non tutti, putissi turnari ogni tantu pi nni viniri a salutari. Ma purtroppu... chista è sulu na commedia. La vita è nantra cosa e a nantri nun arresta antru ca la spranza di immaginari li nosci cari defunti, sereni e cuntenti tra li brazza di l'Onnipotenti!!

**FINE 2° ATTO**

*Maria Lorenza Caruso*